



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Antibarensi Archiepiscopo.

urn:nbn:de:hbz:466:1-20006

votione nostra & fidelitate carissimi in Christo filij nostri F. Sicilia Regis illustris fideliter persistentes, à prædicto Marcoualdo & fautoribus ejus vobis caueatis & regno, qui sanguinem vestrum sitiunt, & inducere vos nituntur in perpetuam servitatem, ne per insidias vel fraudem aliquid valeat machinari. Nec creditis mendaciam ejus, si forte se aliter à nobis receptionem esse configat, aut nos in regno jurisdictionem sibi aliquam concessisse, sed ad defensionem regni viriliter assurgatis: quia virtus ipsius, per Dei gratiam, iam est penitus annullata. Nos enim, dante Domino, nec vobis nec regno aliqua deerimus ratione.

*ANTIBARENSI
Archiepiscopo.*

Epi. 180.
De Soacensi
Episcopo, ho-
mologi co.

Cum accessisset nuper ad apostoli cam sedem venerabilis frater noster B. Soacensis Episcopus, super eo quod dicebatur de homicidij criminis infamatus, coram nobis & fratribus nostris misericordiam sedis apostolicæ suppliciter implorabat. Cum autem nobis de facti serie non constaret, de processu ipsius à dilectis filiis Iohanne Capellano & Simone Subdiacono nostris, qui rei veritatem plenius cognoverunt, dum in paribus Dioclia legationis officio fungerentur, inquisivimus diligenter: ex quorum assertione tenuimus quod cum ingressi provinciam Dalmatiæ superioris fuissent, à majore parte Cleri & populi Soacensis de reatu homicidij dictum invenerunt Episcopum infamatum. Cum autem ad ipsius Ecclesiam accessissent, in praesentia ejusdem Cleri & populi Soacensis infra Missarum solennia quidam de civibus, S. nomine, libellum ipsius accusationis porrexit, afferens se testibus probaturum quod Episcopus reus esset homicidiij perpetrati. Episcopus vero per instrumentum purgationis oblatum, quo jurasse cum duobus Episcopis dicebatur se nec fecisse homicidium illud nec fieri præcepisse, innocentiam suam ostendere satagebat. Quod tam tua quam illorum Episcoporum assertione qui compurgatores fuisse dicebantur, falsum penitus repererunt, cum nullum à compurgatoribus exhibitum fuerit juramentum. Vnde causam ipsam, ut populi scandalum sedaretur, duxerunt juris ordine per tractandam, & per receptionem testimoniū productorum in Concilio apud Antib-

rum congregato, voluerunt per confessionem ipsius intelligere plenius veritatem: cuius fuit tale responsum, quod nec fecerat neque præceperat fieri homicidium perpetratum, & tam accusatores quam testes inimicos suos existere capitales. Et cum homicidium illud à T. & I. Presbyteris affereret perpetratum, objectum fuit ei ab accusatore prædicto quod præscriptum T. in Presbyterum ordinaram, in quo se confessus est peccavisse. Verum cum dicti Legati pariter pertractarent super his qua coram eis fuerant actitata, die sequenti mitram eis & anulum in tua & Episcoporum praesentia, qui convenerant ad Concilium, resignavit: qua ab eisdem post aliquot dies repetit, afferens se ob hoc velle ad sedem apostolicam proficisci, cui & adversariis pariter datis dimissoriis, certus fuit à iudicis Legatis terminus assignatus. Ceterum inter alia qua dictus Episcopus in nostra & fratum nostrorum praesentia recognovit, confessus est & non negavit se præfatum T. in Presbyterum ordinasse postquam ipsum reatum homicidij audierat & crediderat commisisse; cuius factum, cum familiaris esset ipsius, non poterat penitus ignorare. Cum ergo secundum Apostolum Episcopus bonum testimonium debeat & ab his qui sunt intus & ab his qui sunt foris habere, qui ad curam positus aliorum, in se ipso debet ostendere qualiter alios in domo Domini oporteat conversari, nec perforens memorandi criminis labem, lucidam gerat sacerdotij dignitatem; nos attendentes quod satius sit Domino in inferiori ministerio deservire quam graduum sublimitatem appetere cum scandalo aliorum, Episcopum ipsum monuimus diligenter ut postquam episcopalia insignia resignarat, citra pontificale fastigium creatori suo devotum impenderet amodo famulatum. quod in humilitatis spiritu & contrito animo viuis est acceptasse. unde ipsius propositum dignis laudibus commendamus. Ceterum quoniam non sine nostro & Cleri posset opprobrio mendicare, cum de provisione ipsius propter locorum incertitudinem deliberare providè non possemus, ad petitionem ipsius fraternitati tuæ duximus apostolicas litteras delitare, præcipiendo mandantes quatenus de Soacensis episcopatus proventibus ei competenter in necessariis facias provis-

456 Epistolarum Innocentij III.

deri, ne pro defectu temporalium rerum propositum ejus valeat impediri. Et quoniam quidam, coram te propriis nominibus designandi, eum dicuntur rebus propriis contra justitiam spoliasse, alij vero manus in eum sacrilegas injecisse; volumus & mandamus ut si rem ita invenieris se habere, & primos ad ablata redenda in integrum appellatione remota compellas, & alios excommunicatos publicè nuntias, & sicut excommunicatos tamdiu facias evitari, donec passo injuriam s. c. &c. t. t.l. a. s. a. u. a. Datum Laterani VII. Idus Septembbris.

*CANTVARIENSIS
Archiepiscopo.*

Epiſt. 181.
Ut abulum
quendam in
processionibus
corrigit.

CVM bona sint coram Deo & hominibus secundum Apostolum prævidenda, Episcopis, qui successores Apostolorum existunt, & lux mundi & salteræ Veritatis testimonio perhibentur, est summopere attendendum ut via regia incidentes, nec declinantes ad dextram vel sinistram, neque conscientiam propter famam neque famam pro conscientia derelinquant; sed sic inter ea irreprehensibiliter gradiantur, quod nec impij apud Deum, qui videt in corde, nec crudeles apud homines, qui vident in facie, judicentur. Sanè conquerentibus dilectis filiis monachis Cantuariensisibus nostris est auribus intimatum, quod te præsente, in processionibus qua in Ecclesia ipsa solenniter celebrantur, quandoque præcedunt quandoque sequuntur inter te ipsosque monachos, quasi separantes caput à membris, Clerici seculares, eorundem insuper stalla in choro contra consuetudinem coartantes. Ex hoc autem dignitati Cantuariensis Ecclesiæ plurimum derrahitur & honori, & scandalum, sicut dicitur, generatur in cordibus infirmorum, ac quies Deo famulantur perturbatur, & devotione deperit popularis, dum in eodem collegio diversa professionis & habitus cernuntur homines sociari: quorum alij vesteuntur vilibus, alij pretiosis, quidam velatis incedunt capitibus, alij denudatis. Cum igitur sit incongruum ut in uno & eodem officio professio dispar existat, fraternitati tua per apostolica scripta mandamus quatenus circa ea qua præmissimus corrienda solitudinem adhibeas pastoralem; ut & scandalum tollatur de medio, propter quod multa sunt

sæpius omittenda, sicut jam alia vice tibi recolimus intimasse, atque in Cantuariensi Ecclesia regimini tuo commissa, qua celebrem locum obtinet inter Ecclesiæ Anglicanas, nihil reprehensione dignum occurrat, unde ad alias religiosis & honestatis exemplum convenit derivari. Tunc enim melius, sicut tua fraternitas non ignorat, subditos tuos corrigere poteris, & ad frugem reducere meliorem cum in capite nihil inventum fuerit quod meritò debeat reprehendi. Dat. Lat. Idibus Septembbris.

*NOBILI VIRORUM COMITI
Licij.*

DECTIONIS & fidei puritatem, quam erga nos & Romanam Ecclesiam matrem tuam ac regiæ sublimitatis coronam habere dignosceris, diligentius attendantes, petitionibus tuis libenter annuimus, & eas, quantum cum Deo & honestate nostra possumus, gratanti animo promovemus. Eapropter, dilecte in Domino fili, tuis justis precibus grato concurrentes assensu, personam tuam cum omnibus bonis que imprimætentia rationabiliter possides, specialiter autem Licij Comitatum, aut in futurum justis modis Deo propitio poteris adipisci, sub beati Petri & nostra protectione suscipimus, & præsentis scripti pagina communimus. Nulli ergo &c.

TARVISINO EPISCOPO.

SIGNIFICasti nobis per litteras tuas quod quidam Clerici tuae diocesis, licet ecclesiastica beneficia sint adepti, comam nutrunt, quidam etiam incedunt in habitu laicali, laici quoque ascribi volentes militiae clericali, cum à te promoveri non possint, cum litteris Archidiaconi tui ad Episcopos vicinos accedunt, & ab eis se faciunt ordinari. Volentes igitur hujusmodi excessibus obviare, fraternitati tua per apostolica scripta mandamus quatenus Clericos qui comam nutrunt, & incedunt in habitu laicali, nisi ad commonitionem tuam deposuerint comam & clericalem servaverint tam in vestibus quam in aliis honestatem, usque ad correctionem idoneam à beneficiorum suorum perceptione, sublato appellationis obstaculo, nostra & tua fretus auctoritate suspendas. Interdicas autem Archidiacono tuo ne sine conscientia & auctoritate tua concedat suas litteras promo-

Epiſt. 181.
Recipit illum
sub pœnitio-
ne apostolica.

Epiſt. 181.
Ne Clerici
comam nu-
triant, aut lai-
cali ueste utan-
tur.

Cap. Signifi-
cati. Officii
Archidiaconi.